

Informaciji uso basisakero konto



1. Le cile dschenen, save pumen mindig andi EU upre likerem, o tschatschipe hi, jek basisakero konto use jek austritiki banka te pral.

- Use kerinen te dschene, saven hibo pedar o schero nan taj asiliskere verbertscha.
- Jek basisakero konto, botakere kojenge, ham naschtig prado ol.

2. Upral jek basisakero konto na troman buteder loj tel te asdel, tschak atschi, kitschi upre hi.

- Upral o konto tschak akor tel asdim vaj potschintschage kerde schaj on, te dosta loj upro konto hi.

3. Pasche jek basisakero konto, ham te o cile koji sar jek normali konto del.

- Tumen schaj
 - loj uso scholteri taj use bankomatscha tel asden,
 - prik diptscha, cajtakere and cidiptscha taj and cidiptscha keren,
 - jeka bankomatakera kartschaha ande boti taj ando internet jpotschinen,
 - online bankakere koji keren.

4. O basisakero konto na tromal buteder sar 80,- € ando bersch te koschtalinel, adaj na genel, kitschivar o konto potschintschagenge nucim ol vaj kitschivar loj tel asdim ol.

5. Dschenenge, saven tschule loj hi, na tromal o basisakero konto buteder sar 40,- € ando bersch te koschtalinel

- Hasna adale kojestar hi
 - dschenen, savengero lojengero utschipe (butjakere loj, pensijona, nabutschalinipeskere loj, pomoschagoskere loj) telal o tschatschipeskero eksistencakero tschulipe hi,
 - dschenen, save televisakere- taj radijoskere loj te potschinel na pekan,
 - dschenen, save ando privati konkurs hi,
 - asiliskere verbertscha.



6. Te tumen imar jek konto use jek austritiki banka hi, iste oda konto andi glajchi cajt putrim ol.

- Te na andi glajchi cajt o phuro konto putrim ulo, schaj i banka jek pradipe jeke basisakere kontostar tel phenel.
- I banka, use savi o basisakero konto Prado te ol, iste pe ham upro kivanipe le dschenendar vasch o kontoskero irinipe aun lel.
- Taj te o phuro konto vasch vitestscha blokirim hi, te akor jek tschatschipe upre jek basisakero konto hi tumen, oni o konto te putrinel.
- O basisakero konto schaj usi banka, kaj tumen tumaro phuro konto hi, taj te use jek avri banka, pradim ol.

7. Jek basisakero konto tromal la bankatar tschak vasch adala barikane periptscha upre putrim te ol.

- Jek upre putrinipe akor schaj kerdo ol, te
 - o konto bibastale handlinipenge nucim ol,
 - o konto dugeder sar 24 masektscha na nucim ol,
 - jek dujto konto pradim ulo.

8. Buteder informaciji uso basisakero konto laken tumen ande amaro folderi „Basisakero konto – jek konto tumenge“ taj upre amari website.

- O folderi schaj manglo ol:
 - upre www.sozialministerium.at/broschuerenservice
 - pedar E-mail broschuerenservice@sozialministerium.at
 - telal o harango +43 1 711 00-86 25 25.
- Website: www.konsumentenfragen.at

IMPRESSUM

Medjakero schero taj ardijschi, keripe taj dschumintschago: Bundakero ministerijum la butjake, le socijaliske taj le konsumentenschengere arakipeske, Stubenring 1, 1010 Betschi • **Falogiskero- taj keripeskero than:** Betschi • **Terdschojipe:** merc 2017